

Ngoenzndei Mbouj Lumz Cingz Bohmeh

□ Vangz Vazmiz Yiz Ciz / 黄华密 余执

Sai: Cibgouj Daih ciuhai, Raeuz angq lai lo nuengx, Gwndaenj cungj miz muengh, Cuengq sing hoh song coenz.	Mbwk: Bohmeh gaeuzngongo, Lij hwnj bo aeu fwnz, Ngoenz ndit caeuq ngoenz fwn, Mbouj miz gwn hix ganq.	Sai: Bohmeh raeuz sinhoj, Raeuz gag rox cij baenz, Hawj saek gak saek faen, Da raen mbouj ndaej ndaq.	Mbwk: Bohmeh ndang ndaej souh, Douranz coux fukheiq, Ngaenz lai mbouj bienh geiq, Beij ndaej ranz miz laux?
Mbwk: Baihgnwz caen dwg ndei, Seizseiz ngeix daengz raeuz, Boux dafangz hwet gaeuz, Soengq haeux youh soengq ngaenz.	Sai: Bohmeh raeuz sinhoj, Mbouj rox aeu maz boiz, Ciengx vaiz langh gwnz ndoi, Youh doiq dauq guhhong.	Mbwk: Gaej yawj boh mbouj daengz, Gaej caengz meh mbouj deng, Gaxgonq raeuz lwg ’engq, Meh yawj bengz gvaq gim.	Sai: Song laux ndang lij cangq, Langh gwn ndaej engq ndei, Baihgnwz meiz(miz) ngaenz ciengx, Mbouj siengsim sieng uk.
Sai: Seizdaih moq caen ndei, Mbouj vei raeuz beksingq, Boux ndaw singz boux mbanj, Ranzlaeuz aen ’aen moq.	Mbwk: Byoem hau daengz gwnz gyaeuj, Raeuz baeux ra ndaej gwn, Doengzdaih youq lajmbwn, Gwn mbouj lumz bohmeh.	Sai: Raeuz bae ndaq vunz geq, Yaek aeu re ngoenzlaeng, Cog raeuz geq daeuj daengz, Ra boux baengh mbouj miz.	Mbwk: Song laux ndang lij cangq, Langh naengh ndwi hix baenz, Miz cwngfuj aemq laeng, Goq daengz liux daengz caenh.
Mbwk: Seizdaih moq caen ndei, Mbouj vei raeuz boux geq, Ciengx raeuz lumj bohmeh, Gizndei geq mbouj caenh.	Sai: Byoem hau daengz gwnz gyaeuj, Yienznaeuz da caeux raiz, Ngoenzngoenz bae langh vaiz, Baeg yaek dai yaek naeuh.	Mbwk: Lengqboux gaenq baenz gya, Lij bae ndaq bohmeh, Song laux yienznaeuz geq, Sim mbouj veq gyaez raeuz.	Sai: Guh fwen bauj bohmeh, Yied geq ndang yied cangq, Ngoenz youq ranz yawj lan, Baenzngoenz angqvauvau.
Sai: Bohmeh raeuz sinhoj, Mbouj rox ienq rox lumz, Daj iq ciengx raeuz hung, Mbouj ndaej lumz bohmeh.	Mbwk: Fwn doek boh hix bae, Byajraez meh hix byaij, Ngoenz bae gai bae mbanj, Lij ganj dauq guhhong.	Sai: Bohmeh ciengx raeuz hung, Miz gwn aeu rox geiq, Cog raeuz miz lwg nyaeq, Ndaej miz boux swnj ciuh.	Mbwk: Guh fwen bauj bohmeh, Yied geq ndang yied cangq, Saedceij ngoenzngoenz angq, Sim ’an youh cwxcaih.
Mbwk: Bohmeh raeuz sinhoj, Mbouj rox ienq rox lumz, Seiz miz daenj miz gwn, Mbouj ndaej lumz bohmeh.	Sai: Bohmeh raeuz miz sim, Gwn imq couh bae doengh, Ngoenz haw caeuq ngoenz hoengq, Gyoengq hong guh mbouj daengx.	Mbwk: Bohmeh raeuz ndaej souh, Fouz nyap onj caux ranz, Miz boux geq daiq lan, Raeuz mbouj fanz mbouj you.	Sai: Raeuz bauj daengz coenz neix, Heuh beixnuengx yietnaiq, Bauj lai lij miz lai, Nai mbouj sat mbouj caenh.
Sai: Bohmeh raeuz sinhoj, Raeuz boiz mbouj rox liux, Miz ndei gwn aeu heuh, Miz geu daenj aeu soengq.	Mbwk: Mizmbangj boux lwgnyaeq, Aen sim ngeix mbouj daengz, Caeuq bohmeh doxcaengz, Mbouj baenz vunz lajdeih.	Sai: Ngoenzneix miz gwn daenj, Gaej lumz faenh bohmeh, Langh mbouj miz gyoengqde, Raeuz ce mingh ndaej lwi?	Mbwk: Raeuz bauj daengz coenz neix, Heuh beixnuengx bae ranz, Langh geq youq ndaw mbanj, Muengh lwglan dauq yawj.



Cengbak hoizbak mwngz coenz gou coenz, cingzeiq gaenq mbouj miz lo, saehcingz gaenq daengz aen deihbous neix, songde couh doxliz lo, Siujloz riengz daxboh, gak boux gag gvaq ndwenngoenz.

Boh Siujloz mbouj miz vunz guenj, couh engq laengzaengj lo, boux ndeu youq rog dajgoeng, bi daengz haemh cij haeuj ranz, hix gig noix geiq cienz maranz, Siujloz roxnyinh miz di doeknaiq, mizseiz Siujloz hix gig siengjniemh daxboh. Mwh yaek daengz cieng seiz, cijaeu dingqnyi rog ranz miz vunz byaij roxnaeuz gangj vah, Siujloz couh buet okdaeuj muengh, baez youh baez saetmuengh, youh baez doek baez ndawsim couxrim maqmuengh, cungj-suenq caj raen daxboh aemq daeh maranz lo.

Caeuq daxgoeng daxbuz youq, songde geq lo,

Siujloz bingzseiz hix aeu guh di hong mbaeu hongfwngz, mbouj ndaej lumj gij nyzdoih iq baez cuengqhag roxnaeuz ngoenzsinggeiz ndaejhoengq couh doeng bae sae youz, lumj vaiz langhbuengq nei dauqcawq guhcaemz. Mizseiz Siujloz guhhong sat le cijndaej caemsim sij cozyez.

Banhcujiyin Siujloz Cangh lauxsae ngamq daj hagdangz wng diuh daeuj. De ndaej 20 geij bi, gyaeundei youh simsoh, doiq lwgda youh hung youh ndaem yaepmyabmyab couh lumj rox gangj vah nei, gig nyex vunz gyaez, gyoengq hagseng cungj gig maij de. Cangh lauxsae sonhag hix gig miz fuengfap, hagseng dingq ndaej rox geiq ndaej vaiq, de lij ciengz haeuj ranz bae caeuq gyoengq bohmeh hagseng gangjoj, gyoengq bohmeh hagseng caeuq boudaeuz hagdangz cungj haenh de.

Miz ngoenz he, Cangh lauxsae caeuq gyoengq hagseng guh sat aen youzheiq he le, angqvauvau cam gyoengq hagseng aen siengjmuengh ndawsim swheij dwg maz? Vah ngamq ok bak, gyoengq hagseng cungj ceng gonq lau laeng gangjfaenfaen. Mizmbangj naeuz, majhung le yaek dang canghyw, bang vunz yw bingh; mizmbangj naeuz majhung le dang gohyozgyah, yenzgiu gij saehcingz gyoengq vunz caengz rox; mizmbangj naeuz, majhung le aeu lumj Cangh lauxsae nei, dang lauxsae, hawj lwgnyez son saw……Dingq gyoengq hagseng gangj le, Cangh lauxsae muengh dwk daihgya ngaekgyaeuj riunyum-nyum.

Lwnz daengz Siujloz gangj vah seiz, de ndwn hwnjdaeuj sing iq naeuz: “Lauxsae, aen siengj-muengh gou gig iq, siengj gvaq aen ngoenzseng vaiqvued ndeu, miz dangauh, lij miz haujlai vunz caeuq gou caez ciengq souj go hoh ngoenzseng vaiqvued.”

Vah ngamq dingz, mizmbangj doengzhag couh riu hwnjdaeuj lo, “neix lij mbouj yungzheih? Gou bibi cungj dwg baenzneix gvaq!”

“Dwg bw, neix miz maz citgeiz, gou laihnaeuz maz dem!” Mizmbangj doengzhag naeuz.

Mizmbangj doengzhag couh sing saeq ngeix-lwnh hwnjdaeuj, “lij iq seiz bohmeh de couh doxliz lo, daxboh de youq rog dajgoeng youh gig noix maranz, riengz daxgoeng daxbuz youq, songde bingzseiz mbaet gwn mbaet yungh, baenzlawz sij ndaej bae cawx dangauh ne.” (caengz sat)